



Da la suprastanza cumünela

Preventiv 2018

Il preventiv 2018 es la prüma vouta gnieu construieu tenor las novas reglas da finanzas e credit (HRM2). In princip nu as müda ünguotta vi da la situaziun finanzia da la vschinauncha da S-chanf, las novas prescripziuns dumandan però, cha las cifras vegnan per part calcedas e descrittas oter. Dimena es eir il congual direct culs ans passos na pü dal tuot do. La suprastanza cumünela ho büdscheto per l'an 2018 ün deficit da fr. 140'040.00. Aint ils ultims tschich ans d'eira il rendaquint effectiv adüna cler meglder. Il pü grand müdamaint cul nouv modell calculatoric HRM2 pertuocha las amortisaziuns, quistas stögljan nouv gnir amortisedas linear. La vschniauncha vo da l'an 2018 our da que chi do amortisaziuns da fr. 995'600.00 (preventiv 2017 fr. 708'600.00).

Preventiv 2018		
Ressort	2018	2017
Administraziun generela	-581'300.00	-601'390.00
Sgürezza publica	-77'850.00	-111'350.00
Educaziun	-1'560'600.00	-1'564'550.00
Cultura, sport e baselgia	-258'300.00	-214'490.00
Sandet	-157'400.00	-156'780.00
Sgürezza sociela	-97'200.00	-112'400.00
Trafic	-1'062'850.00	-841'750.00
Ambiaint e planisaziun	-47'650.00	-44'950.00
Economia publica	-129'650.00	-421'350.00
Finanzas ed impostas	3'832'760.00	4'128'815.00

Cun expensas da fr. 9'302'500.00 ed entredgias da fr. 9'162'460.00 serra giò il preventiv 2018 cun ün suravaunz d'expensas da fr. 140'040.00. La suprastanza cumünela propuona a la radunanza cumünela d'approver il preventiv 2018.

Plan d'investiziun 2018 - 2022

La suprastanza cumünela prevezza per l'an 2018 investiziuns brütta da totel fr. 5'496'000.00 cun entregias da fr. 233'000.00. Arduond 0.6 milliuns francs chaschunen duos progets regiunels chi sun gnies deliberos oriundamaing tres ils votants, dimena la contribuziun per la piazza aviatica (fr. 82'000.00) scu eir la fabrica da la sarinera regiunela (fr. 562'000.00 da totel fr. 2.53 milliuns). Impü ho il suveraun delibero ils imports per la halla da deposit (fr. 880'000.00) scu eir la maschina per laina arduonda (fr. 150'000.00). Ils seguaint nouvs progets sun previs per l'an 2018: la terz'etappa dal schlargiamaint da l'infrastructura Susauna (Susauna), la planisaziun da la seguond'etappa da la rait da fibra, scu eir il sustegn per attachs da chesas vi da la rait da fibra. L'an 2017 s'ho fat investiziuns d'arduond fr. 3.4 milliuns impè scu previs i'l preventiv 2017

ill'otezza da fr. 5.98 milliuns. La consequenza per l'an 2018 es, cha'ls cuosts d'investiziun muntan sül prüm sguard sün ün import ot e na üsito per nosa vschinauncha. In connex cun divers grands progets dal chantun e da la Swissgrid as po nüzzer sinergias per seguaintas fabricas: Schlargiamaint Chapella – Tulait, la refacziun da la lingia d'ova da Punt'Ota (sectur lung la via Chantunela vers Cinuos-chel), senda Chapella Ospiz – Ravuntschè, lingia d'ova S-chanf – Zuoz (colliaziun ova da baiver), transferimaint lingias da chanelisaziun Bos-chetta Plauna.

Resguardand la constituziun, artichel 31 alinea 3 e artichel 33 alinea 4, vegnan las dumandas da credit per investiziuns sur fr. 300'000.00 suottamissas üna seguonda vouta a la radunanza u sur fr. 3'000'000.00 a la votaziun a l'urna a temp ütil. Grazcha als excellents ultims ans da gestiun paun las investiziuns da l'an 2018 gnir probabel finanziedas cun egens mezs liquids. La suprastanza cumünela propuona a la radunanza cumünela d'approver il quint d'investiziun 2018.

Plan d'investiziun	2018	2017
Investiziuns brüttas	5'496'000.00	5'981'000.00
Entregias	233'000.00	990'000.00
Investiziuns nettas	5'263'000.00	4'991'000.00

Pè d'impostas 2018

Ils ultims ans s'ho pudieu serrer il rendaquint cumünel cun remarchabels guadagn. Las investiziuns i'ls ultims ans s'ho pudieu finanzcher cun egens mezs, sainza causer novs debits. Eir in futur as po fer quint cun üngün nouv debitamaint. Actualmaing es il pè d'imposta sün 65% da l'imposta chantunela simpla. La suprastanza propuona a la radunanza cumünela da lascher il pè d'imposta cumünela per l'an 2018 sün 65% da l'imposta chantunela simpla.

S-chanf, 27. november 2017

La suprastanza cumünela